

Frå: Gripen gard og rurale tidsreiser <post@gripengard.no>
Send: tirsdag 30. mars 2021 15.10
Til: Are Frøysland Grande
Vedlegg: ARK-20-20-001 PLAN KJELLER.pdf; ARK-20-20-002 PLAN 1 ETASJE.pdf

Hei.

Eg har sendt svar til byggjsak vedr manglane på byggjesøknad. Det er lenge sidan. Eg har elles prøvd å ringje deg eit utal gonger, fliere gonger i veka, utan at eg får tak i deg, anten eg prøvar ditt nummer direkte eller via hovudnummeret til kommunen.

Eg veit ikkje kva det er med denne søknaden, men noko er det. Ting kjem bort, adresser er feilstava og kjem på ville vegar, epostar vert liggjande bak brannmurar, eg får ikkje tak i NOKON å snakke med når eg prøver å ringe. Det er noko "dårleg karma", trur eg. ;-)

Då du sende det brevet med manglar tok eg tak i det med ein gong, og det var då eg byrja å prøve å få tak i deg, fordi eg ville vite litt meir om kva du eigentleg var ute etter. Eg har og intensivert ringinga no, når det nærma seg fristen, utan å kome gjennom til deg. Uansett, då i januar, snakka eg med ein på teknisk etat, vatn og avlaup; han sa han skulle lage ei "førehandstillating" eller kva han kalla det, når det gjaldt minireinseanlegget, og at det skulle vere nok til byggjesaka. Men no byrjar eg å lure på om så ikkje har skjedd. Eg hugsar ikkje kva han heiter no, men eg fekk namnet hans av Laila, så ho hugsar det nok.

Når det gjeld målsette teikningar, så var det ei tekning som ikkje var målsett, og den sende eg med meir som ein illustrasjon, fordi det er eit grindbygg på dei gamle murane. Eg har ikkje i det heile bygd noko utover på dei gamle murane. Eg prøvar å få byggjet til å verte så likt det opprinnelege som muleg, sjølv om det er svært lite dokumentasjon eg har.

Som eg skreiv i brevet eg sende i januar, vert det ikkje noko tilsette i byggjet. Til det er reglande hjå Arbeidsmiljøtilsynet for stivbeinte. Eg kan ikkje tilsetje nokon som treng rullestol, det er så enkelt som det. Det er ikkje fordi eg vil diskriminere nokon, men slikt arbeid eg har å tilby kan umuleg utførast av ein i rullestol. Det er ikkje kontorarbeid eg treng hjelp til. Dessutan har eg ikkje veg. Men sidan det ikkje finst noko mulegheit for skjønn, vert det ikkje tilsette. Sitat brevet: "Situasjonskartet er ikkje målsett, men i og med at det skal byggjast opp igjen på gamle murar, er det vurdert til å vera tilfredsstillande for å vurdere plassering av tiltaket." Dette oppfatta eg som det som det står; er vurdert til å vere tilfredsstillande. Difor har eg ikkje teke tak i det.

Etter at eg gjekk gjennom brevet, var det slik ag kunne sjå, trong for å ha ein førehandskvadetnoheiter for vvs, noko eg trudde no var i orden jamfør det eg skreiv over. Så var det godkjenning frå Arb tils., som eg ikkje fekk pga av at det berre er eitt rullestoltoalett. Det resulterte i at eg bestemte meg for å klare meg utan tilsette.

Med utgangspunkt i dette, tenkte eg at eg hadde svare på det du ville ha greier på. Eg var likevel usikker, så det er difor eg har prøvd så iherdig å gå tak i deg. Også i dag. Det ringjer berre ut, ingen svarar. Er kanskje nummeret ditt feil?

56 17 11 92? Det ser jo veldig ut som eit kommunenummer, og det er rart at det ikkje vert fanga opp av sentralbordet, før det ringjer ut? Kanskje er det fleire enn meg dette gjeld? Eg veit i alle fall at det same var tilfelle med næringssjefens sitt nummer. Kommunen oppgav eit anna nummer enn ho hadde. og eg kom difor ikkje i kontakt med ho. Eg reknar med det er ein del klabb og babb pga av kommunesamanslåinga, og korona i tillegg. Det er ikkje så lett å drive noko som helst under slike tilhøve.

Eg beklagar verkeleg alt dette rotet, og eg skjønar ikkje heilt kva som skjer. Eg meiner eg har gjort alt eg skulle. For å vere ærleg, har eg gått her i god tru og venta på melding om at byggjesaka var godkjend. Så eg er litt lang i maska her eg sit. Det er sjølvsagt frykteleg viktig at saka går i orden, elles veit eg jo ikkje kva i all verda eg skal gjere.

Kan du vere snill å sende meg ei bekrefting på at du har fått denne eposten? Eg har slutta å stole på epost-systemet til kommunen.

Legg ved dei "nye" oppdaterte teikningane, slik i tilfelle, dei og er borte.
Vonar veldig og inderleg at det ordnar seg.

Beste helsing
Helene Olli Sollid,
Gardbrukar og altnuligoter
Gripen gard & rurale tidsreiser
Gripavegen 86, 5919 Frekhaug
56176416/99293971